

嘉靖寧夏新志

嘉靖寧夏新志

寧夏新志卷之四

范氏

沿革考證

志寧夏而詳於沿革及赫連拓跋之考證者何歟援古以鑑今也援古以鑑今者何

歟蓋是地開拓之始未用力之難易暨唐宋之倏得倏失本於任人之有賢有否運籌之或優或劣盡可爲今之準也故竹山不避其繁而備載之茲又增其所未備者

夏禹

浮于積石至于龍門西河

禹貢蔡沈傳按邢恕奏乞下熙河路打造船五百隻

於黃河順流放下至會州西小河內藏放熙河路漕使李復奏竊知邢恕欲用此船載兵順流而下去取興州契勘會州之西小河鹹水其闊不及一丈深止於一二尺豈能藏船黃河過會州入常精

山石峽險窄自上垂流直下高數十丈船豈可過
至西安州之東大河分爲六七道散流渭之南山
逆流數十里方再合逆溜水淺潁磧不勝
舟載此聲若出必爲夏國侮笑事遂寢

漢

北地郡十九縣

內靈武富平靈州隸之

朔方郡十縣

內朔方臨河隸之文

獻輿地考

甲寅世宗孝武皇帝元朔二年春正月立朔方郡募

民徙之

主父偃言河南地肥饒外阻河城之以逐匈奴省轉輸上用其計立朔方郡募民徙

者十萬口築城繕塞因河爲固卽什賁故城也

辛酉元狩三年秋山東大水徙其貧民於關西朔方

山東被水民多饑乏不能賑救乃徙於關西朔方
新秦中七十餘萬口皆仰給縣官數歲貸與產業
新秦今河東
舊麟州也

辛未元封元年冬十月帝出長城登單于臺至朔方

勒兵而還

上以古者先振兵釋旅然後封禪乃自
雲陽歷五原出長城北登單于臺至朔

方臨北河勒兵十八萬騎旌旗
徑千餘里遣使告諭單于乃還

己丑世祖光武皇帝建武五年冬十二月盧芳入塞

掠據朔方等五郡

初安定盧芳詐稱武帝曾孫劉
文伯遣使與匈奴結和親單于

迎芳入立爲漢帝朔方人田綱等各起兵至單于庭迎芳入塞都九原縣掠有朔方等五郡並置守令與胡通兵侵苦北邊

辛卯七年冬盧芳朔方郡降

芳以事誅其五原太守李興其朔方太守田颯

舉郡降帝令領職如故

丙寅孝順皇帝永建元年秋七月增置朔方緣邊兵

屯

己巳四年秋九月詔復北地郡

虞詡言北地以西山川阻阨沃野千里土

宜畜牧水可溉漕郡縣兵荒二十餘年矣棄沃壤之饒捐自然之財不可謂利離河山之阻守無險

之處難以爲固上從之使謁者督徙者
各歸本縣繕城郭置候驛又濬渠屯田

南北朝

夏州

後魏置

弘化郡

西魏置文獻輿地考

甲辰

梁武帝普通五年魏孝明帝正光五年

魏朔方胡及夏州刺史源

子雍討平之

魏朔方胡反圖夏州城中食盡刺史源子雍留其子延伯守統萬乃帥羸

弱詣東夏州運糧爲胡帥所禽延伯以義感衆奮厲固守子雍雖被禽胡人常以民禮事之子雍爲

陳禍福賊衆遂降時東夏州闔境皆反子雍與北海王顥約兵轉鬪而前凡數十戰遂平東夏州徵

粟挽芻以饋統萬二夏獲全

癸丑

梁中大通五年魏孝武帝永熙二年

秋八月魏以宇文泰爲夏州

刺史

賀拔岳遣詣洛陽密陳高歡反狀魏主喜以岳爲都督二十州軍士岳遂引兵屯平涼夏

州刺史彌俄突附岳靈州刺史曹泥附歡岳以夏州被邊要重表用宇文泰爲刺史

乙卯

梁大同元年魏文帝寶炬大統元年東魏孝靜帝善見天平二年

春正月魏將

軍李虎克靈州

宇文泰遣李虎等擊曹泥虎等招諭費也頭之衆與之共攻靈州凡

四旬曹泥請降

丙辰

梁大同二年魏大統二年東魏天平三年

春正月東魏大丞相歡襲

魏夏州取之魏靈州亦叛附于歡

高歡自將萬騎襲魏夏州不火

食四日而至縛預爲梯夜入其城禽刺史斛拔俄
彌突因而用之留張瓊將兵鎮守遷其部落以歸
魏靈州刺史曹泥復叛降東魏魏人圖之水灌其
城不沒者四尺歡登阿至羅騎徑度靈州遠出魏
師之後魏師退歡迎泥
拔其遺戶五千以歸

隋

靈武郡六縣

迴樂弘靜懷遠靈武鳴沙豐安文獻輿地考

壬戌隋高祖文皇帝仁壽二年冬十二月除治書御

史柳彧名配懷遠鎮

彧嘗按楊素事過於臨蒞素街之蜀王事敗素奏彧受王

遣婢乃除名
配戌懷遠鎮

唐

夏州三縣

朔方寧朔德靜

靈州四縣

迴樂懷遠靈武保靜文獻興地考

天下諸州屯九百九十有二靈州之屯三十有七夏

州之屯二每五十頃爲一屯

唐六典

丁亥太宗文武皇帝貞觀二年夏四月遣右衛大將

軍柴紹等討梁師都其下殺之以降以其地爲夏

州

丙午二十年秋八月帝如靈州遣李世勣擊薛延陀

隆之敕勒諸部遣使請吏遂勒石

帝初以新興公主許嫁薛延陀

既而幸靈州求隙與之絕皆薛延陀多彌可汗寇夏州尋亦國破被殺餘衆立真珠兄子吐摩支遣使奉表請居鬱督軍山之北上自詣靈州招撫李世勣至鬱督軍山吐摩支降回紇等十一姓各遣使歸命乞置官司上大喜遣使納之爲詩曰雪耻酬百王除凶報千古勒石於靈州

丙申中宗皇帝嗣聖十三年

周武氏萬歲通天元年

秋九月突

厥寇涼州執都督許欽明以寇靈州

默啜寇涼州執欽明自隨

以寇靈州欽明至城下大呼求羹醬梁未及墨意欲城中選良將引精兵夜襲虜營而城中無論其

者意

丙午神龍二年冬十二月突厥默啜寇鳴沙

默啜寇鳴沙靈

武總管沙吒忠義與戰敗死者六千餘人

戊申景龍二年春三月朔方總管張仁愿築三受降

城

突厥默啜悉衆西擊突騎張仁愿請乘虛奪取漠南地於河北築三受降城六旬而城首尾相

應皆據津要於山北置烽堠千八百所自是突厥不敢度山畋牧鎮兵數萬人城不置雍門守具且

曰兵貴進取寇至當併力出戰回首望城者斬之安用守備生其退慙之心也中城南置朔方西城

南直靈武東城南直榆林其北皆大磧也

壬戌玄宗皇帝開元十年夏四月以張說兼知朔方

節度使

置朔方節度使領單于都護府夏鹽等州軍三受降城以宰相張說兼領之

丙戌天寶五載春正月以王忠嗣爲河西隴右朔方

河東節度使

忠嗣每互市高估馬價諸胡聞之爭以馬求市由是胡馬少唐兵益壯忠

嗣仗河西隴右朔方河東四節控制萬里天下勁兵重鎮在其掌握累獲大捷

丙申十五載秋七月太子卽位於靈武

帝避安祿山之禍出奔蜀

留太子討賊太子至平涼朔方留後杜鴻漸等迎於平涼北境牋五上是日卽位靈武尊帝爲上皇天帝大赦改元楊炎受命宮頌并序臣聞享天降命惟德也戡難奉時惟聖也必有非常之運是與撥亂之功君以蒼生爲憂不以濡足爲患以寧濟爲業不以脩身爲道此陶唐所以捨而不畏舜禹

所以受而不疑靈武宮皇帝躍龍之所曰者奸臣竊命四海蕩波我聖皇天帝探命歷之數啓龍圖作受命之書付于我皇帝皇帝方遊崆峒以求至道於是群公卿士負玉旒金璽望氣芒碭之野三進於閭闔之中曰臣聞在昔蚩尤連禍大盜中國神農氏兵莫能勝天降玄女勅軒轅氏大定其災厥後堯有九州之害而命禹禹以四海之功而受舜陛下主鬯大位十有九年精爽者皆美德馨乾坤也必聞幽贊玄德上達景福有歸六聖覩命歷之期兆人有臨難之情陛下畏災運而不寧棄黎元而不顧以至仁爲薄以大寶爲輕臣等若不克所請與億兆之衆披髮拊膺號於天而訴於帝矣皇帝唯然改容曰豈人心歟丁卯廣平王倣太尉光弼司徒子儀尚書左僕射免兵部尚書輔國與北軍將士西上耆老萬五千人排闥以訴帝曰今豺狼穴居宮闕陛下兆庶爲餌宗廟爲墟若臣等

誠懇未通是高祖不歆於太廟且陛下涉渭則洪
流迴鑾則慶雲見布澤而川池廣勤道而嘉禾
生靈祗髣髴玄貺幽感臣聞符命待聖而作天運
否終而會歲難盼蠶會也睿武英明聖也臣等敢
昧死上聞帝乃灑齋宮啓金匱鳴咽拜受詔有司
大赦天下改元曰至德元年尊聖父爲文武大皇
帝是日煙雲變作土庶踴躍黃龍見於東野紫氣
滿於天門翌日也數百里衣裳會兼旬也數千里
朝貢會踰月也天下兵車會決時也四方戎狄會
以一族成百萬之師率胡夷平社稷之難禮郊祀
冀聖皇與人合誠心以氣消天厲動罔不吉歆無
不報是以白鹿擾於王庭靈芝產於延英化動而
功成淵默而頌聲言禪代者陋蒼梧易姓之名語
嗣守者羞唐堯積善之辱述戡定者歎四紀而復
夏美中興者蚩三六而滅新於戲神祇之所歸往
品物之所法象鼓飛龍於尺水仗大義而東向矢

謨發號實在茲都願篆石宮庭以垂萬古俾過山
澤知風雨之奧窮造化識天地之爐臣炎稽首敢
獻頌曰赫赫河圖啓天之祐雲從億萬皇在九五
爲昔陶唐克傳舜禹獲也武也夫何足數彼妖者
勃惟暴惟貪天實卽命人將不堪皇曰內禪于再
于三盡武之善去湯之慙兵率百萬洶洶雷震橫
會九州爲行爲陣恃力者暗從命者順孝以奉天
神而撫運至德唐堯崇功大禹皤皤北叟垂白而
覩沛邑空歌周原已古八月以郭子儀爲靈武長
徘徊頌聲永介茲土

史

子儀將兵五萬自河北至靈武靈
武軍威始盛人有興復之望矣

乙巳代宗皇帝永泰元年秋閏九月以路嗣恭爲朔

方節度使

子儀以靈武初復百姓彫弊戎落未安
請以嗣恭鎮之嗣恭披荊棘立軍府威

令大行

癸亥德宗皇帝建中四年冬十一月靈武鹽夏渭北

諸將合兵入援遇賊潰歸

上奔奉天靈武留後杜希全鹽夏刺史戴休顏

時春渭北節度孚建徽合兵萬人入援將至奉天用盧杞言從漢谷出爲賊所邀死傷甚衆四軍皆潰

丙寅貞元二年冬十二月吐蕃陷夏銀麟州

丁卯三年秋七月以韓潭爲夏綏銀節度使

吐蕃之成西夏

者饋運不繼人多病疫思歸尙結贊遣三千騎逆之悉焚其廬舍毀其城驅其民而去於是割振武